

profond, tant pour faire euacuer les eaux qui de-
 gouttent de tous costés d'as nostre caue, que pour
 nous fortifier contre tous ennemys, Nous auons
 trois Maistres Charpentiers avec vn Maistre Mas-
 son & son Filz, quatre autres hommes pour travail-
 ler à la terre, & des viures pour les biē nourir vn An,
 au bout duquel si nous sommes assistés nous pren-
 drons cinq ou six bons deserteurs qui ne cesserōt
 de deserter la terre, & esperons que dans deux ans
 nous pourrons nourir douze personnes sans rien
 mandier de la France, parceque nous aurons du
 grain suffisammēt pour faire du pain, & de la bierre,
 & des Cochōs assés pour faire lard sās les autres viā-
 des, que nous nourirons comme Poulles, Oyes,
 Cheures, & Vaches, sans aussi l'abondance du Pois-
 son qui se pesche es Riuieres, & l'abondance des
 Canards & Oyes sauvage, qui viennent tout denāt
 nostre maison, depuis la fin d'Aoust iusques à la
 Touffaincts sans en fin l'Anguille que nous sallerōs
 au commencement de Septembre, & l'Elan que
 nous aurōs pour vn peu de pain des Sauvages, quāt
 les Neiges seroat grande, & autre mille petites
 commoditēs : toute sorte de legumage, d'herba-
 ges & racines viennent grandement bien, nous
 sommes eslongnēs environ vne petite demy lieue
 de l'habitation, la chaux se fait à cinq cens pas de
 nous, rien ne nous māque graces à Dieu, que moyē
 d'entretenir pour deux ans six ou huit bons Gar-
 çōs pour travailler à la terre, pour nous aubout des-
 quelz nous pourrons entretenir des Familles sans
 beaucoup de fraiz, & aussi peu à peu peupler le pais
 & faire ce que nous pretēdons, sçauoir est vn semi-
 naire pour y nourir & instruire les Enfans, des sau-
 uages, nous en aurōs de six plus de six si nous auons